

72239

地

130.81

275

1710

27

蒿城縣志四種

重印蒿城縣嘉靖志

縣長任傳藻題



序

我

朔野公牧藁之明年百度鼎新六事兼舉獨以邑志未備爲念特

命愚譔次謹于嘉靖甲午秋菊月旣望拜

教周咨博訪殫竭駑鈍兩逾月而事竣承

鄧斤畢鉞梓以傳不朽愚謂吾藁自漢置縣迄今無志可考以千百年闕典而我


公一旦成之俾邑之往哲遺蹟沒者存幽者彰公之仁心何溥哉繼有作者得有所據則公之仁心仁聞益衍無疆矣時


藁城縣志

序

明嘉靖十三年十一月冬至後六日藁城後學李正儒沐手拜

識





藁城縣志凡例

一邑舊無志志之自今始其往事遺跡間有闕者姑俟後補
一譔次悉倣

大明一統志有增而無損凡當續者各依類纂入

一分綱一十三爲目五十四目下各附小序以括其意綱如
天文地理目如分野沿革之類

一官之賢者去任則傳之見任雖賢弗傳恐近諛也

一人物顯微兼志各以其所長爲類其見任者履歷外不敢
妄議以須事定

一孝子節婦必曾經旌表及鄉黨稱之無間言者始錄

藁城縣志

凡例

一董王趙三氏俱藁之勲閥志董詳於王而王詳於趙者蓋
董有家譜可考王之碑銘猶存趙則俱無足徵也

一
誥勅謹錄其大者從簡便也其封贈品爵俱備書恩例志中故
不復詳載

一歷宦惟書其在藁之蹟其歷官行已顛末皆不錄若鄉邑
人物則備書之重地產也

一人物略分名臣節義隱逸等類如

國史例蓋微寓勸勉來人之意以裨邑治非敢曰僭也

一古今文集其有關風土可備本志之缺略者收入其餘私

稿不敢附錄

藁城縣志

凡例

二

藁城縣志凡例

終

藁城縣志目錄

卷之一

邑後學李正儒撰

天文志

分野

次舍

麗屬

占候

地理志

沿革

邑名

疆域

風俗

山川

城池

都鄙

坊市

津梁

卷之二

財賦志

土產

戶口

貢賦

馬政

徭役

藁城縣志

目錄

宮室志

公堂

學校

書院

雜署

亭堂

卷之三

羣祀志

文廟

壇壝

祠廟

儲卹志

預備倉

養濟院

漏澤園

桑棗園

古蹟志

故墟

塚墓

寺觀

卷之四

秩官志

歷宦
名宦

選舉志

徵辟
科第
歲貢

卷之五

恩例志

封贈
勲戚
命婦
恩蔭
應例

卷之六

人物志

名臣
隱逸
孝義
貞烈
寓賢

藁城縣志

目錄

二

羣顯
方伎
僊釋

祥異志

卷之七

文集志

帝制

卷之八

文集志

碑記

卷之九

文集志

碑記

卷之十

文集志

雜著

藁城縣志

目錄

三

藁城縣志錄目

終

藁城縣志卷之一

邑後學李正儒撰次

天文志

分野 次舍 麗屬 占候

天道無言其變有象聖人所以分野別州者蓋欲驗其垂象之由也藁城土宇雖隘其分野次舍麗屬占候自有定度今首志之少爲遇變者倣焉

分野昴畢

按漢末元銅儀昴宿十二度畢十六度景祐測驗昴宿十一度畢十七度象緯考謂中山入昴一度趙郡入畢八度

藁城縣志

卷之一

天文志

一

常山入昴五度信都入畢三度眞定入畢十三度藁城南倚趙郡北枕中山東望信都西附眞定且舊爲常山趙郡屬邑其分野當爲昴畢明矣

次舍大梁西位

按象緯考自胃七度至畢十一度爲大梁於辰在酉趙之分野屬冀西位即大梁次舍昴畢二星麗焉眞定中山信都趙郡俱入昴畢則藁城次舍當在大梁無疑也

麗屬北斗樞星中台之下星

按史記天官書二十八舍主十二州唯北斗兼主之然斗星有七雍屬魁星冀屬樞星兗青屬機星徐揚屬權星荆

屬衡星梁屬閭陽星豫屬搖光星以七星而主九州者并青於兗合揚於徐故也藁城在冀域中當屬斗之樞星矣又宋史云上台二星爲司命上星主兗豫下星主荆揚中台二星爲司中上星主梁雍下星主冀下台二星爲司祿上星主青下星主徐以此考之則藁城當麗中台之下星焉

占候昴畢星五車星

按宋天文志昴七星畢八星五車五星宋史云五車在畢宿北其東北一星曰天獄主燕趙分張衡曰昴明則訟獄平暗則刑罰濫宋史又云日暈陰則趙地凶歲大饑畢星就聚則法令酷五車明則倉廩實否則其國絕食夫垂象者天應天者人守令茲土者遇變而求盡人事必有道也

地理志

沿革

郡邑之得名各隨其時時有遷革則名有變易藁爲漢舊縣更歷時代多矣境土之離合風物之異同皆難強而齊也不先理此其他無所考焉志沿革

藁城縣在禹貢爲冀州之域春秋時名宜安又爲肥子國戰國屬趙秦屬鉅鹿郡漢始置藁城縣屬眞定國晉省之後魏復置北齊改爲高城縣置鉅鹿郡隋初郡廢置廉州義寧元

年復爲臺城縣屬趙郡唐武德元年改置廉州省栢肆新豐
宜安三縣入臺城貞觀初州廢以臺城屬恒州天寶末爲安
祿山所據天祐二年更名臺平晉陷於虜周復之宋開寶六
年復爲臺城兼省九門縣入之元初爲永安州尋復爲臺城
縣後於臺上加草者相傳謂恐 臺無別因荒納稿之說非
也自宋金歷元俱屬眞定路

國朝因之編民一十三里今爲一十六里

邑名

臺城自漢迄今爲郡爲邑名號代殊其詳已載於沿革
中矣茲復表列如左者循志例便稽覽也

臺城縣志

卷之一

天文志

三

肥壘

春秋時名

高城

北齊名

廉州

隋唐俱名

臺平

唐名

永安

元名

廉臺

今郡名

疆域

自秦廢封建置郡縣而域民以封疆之界者益嚴否則
民或以鄰爲壑而賦與役嘗病其有出入矣仁政必自
經界始定之所以行政也志疆域

本縣東西廣七十五里南北袤一百五里

東至耿村二十五里

西至固營店五十里

南至美化三十五里

北至金莊村七十里

東北至兩河三十里

西北至吳村鋪七十里

東南至賈氏莊四十里

西南至堤上村三十里

東到晉州治四十里

西到真定縣治六十里

東到趙州治七十里

北到新樂縣治九十里

東北到無極縣治四十里

西北到行唐縣治一百二十里

東南到新河縣治一百二十里

西南到欒城縣治四十里自縣治至

北京陸路六百六十里至

南京水路二千一百五十里

風俗

冀北風俗雖無甚相遠然百里之內亦自有不能一焉

藁城縣志

卷之一

地理志

四

者其善惡轉移之機顧上之政教何如耳司化權者慎勿忽之志風俗

藁居太行之東通典謂其人性緩尚儒仗義任俠郡記謂人習文則彬彬其質習武則赳赳其雄大抵有趙勝之流風魯仲連之正氣所以人物雄豪多慷慨尚志節也按今閭閻居民皆知急農桑而先禮讓謹法度而重廉恥入租稅不愆歛期服公役如趨父事婚姻死塋交相爲助用費雖近奢靡而亦不乖常禮達官非遠遊老邁者行不乘輿良民非利害切身者事不聞官爲儒者厚人倫貴德行作文典實有奇氣不喜詭異狗時好婦女多烈行可嘉其近習也士守已見而親

師取友之道微民酷經營而逐末計利之風熾婚猶論財事頗知訟葬者多作佛事病者深信巫覡知縣尹耕時加振作近習頗移易焉

山川

賢才之生必鍾山川之秀藁邑素稱多賢然邑地平衍有川流而無山峙人謂接境諸峯靈淑之氣鍾於是邑者爲最是故不可泯也志山川

藁之境內無山大司徒石玠有恒嶽送青之詠員外郎駱用卿有太行萃靈之說御史張惟恕策士有恒山遠照沱水環流果視諸邑秀拔之間是山不在藁而降神於藁久矣按邑

北去曲陽恒山百餘里嵐翠宛然在望又連接西南封龍太行諸峯迤邐相向日暮晴明層巒疊出翠色浮動溢於城郭邑之靈秀實賴於此三公之言信不誣也

土山在縣西南一十五里本春秋宜安故城岡阜崛起因名之

滹沱河在邑城北發源於鴈門繁峙經靈壽平山過眞定至藁城四公鋪而南逼近邑城之乾隅順流東注至城良隅一里許復曲折東南而下成化間縣令黃瓊常引水於城壕中以植蓮周繞城郭宛然如遊龍之紆徐其靈秀足以振甲科其潤澤足以肥民田邑人至今賴之弘治十四年因水泛漲

北徙去邑城八里但泛漲之勢汹涌蕩民居沒民田其害可畏且河之上流有小豐屯去邑城二十里小豐之河口不塞則邑之衝囘湮沒之患未已此則憂時預防者所當知也滋河在邑城西北四十里南孟村其發源於曲陽恒山經靈壽至行唐張茂村伏流不見至眞定縣迤邐藁城無極達於滹沱河其夏秋泛漲之勢與滹沱相類而春冬則水常涸酈陽水今涸按水元經云藁之宜安南有酈水今按宜安在邑城西南二十五里其西有泥陽恐是其地牧道溝在邑城西北七十五里其水四時皆不涸土人往往藝稻其稻甚佳每遇秋蒼綠滿郊儼若江南之狀焉

藁城縣志

卷之一

城池志

六

城池

匪城無以圉民匪池無以衛城凡立邑設險者此其先務也眞定屬邑城池稱高深者藁城與焉志城池

藁之舊城週迴僅三里關東西二門未有樓正德九年縣令陳素念卑狹難爲守禦乃內外堅築越舊制而拓之高三丈厚二丈復益以甕城門皆磚石東西建重樓各三楹左曰東作門右曰西成門正德十五年西關居民因繁庶數倍於城內恐寇發無以爲衛請于

朝得立新城時都御史安成伍符奉命唯謹遂屬眞定同知劉本淳元氏令王鼎寧晉令張經欒城令馮尙文無極令郭允

禮及藁城令陳素周遭營度役民以時越月而城成其制高與舊城稱而厚半之廣袤計四里許城下鑿池新舊俱闊三丈深一丈五尺繼立四門東曰岱瞻西曰太寧南曰嵩壽北曰恒鎮其巨榜皆提學御史莆田周宣書也門上各設層樓樓之楹亦如東作西成之數而高廣過之簷牙相望掩映雲霞藁邑至是改觀焉

都鄙

古之立邑者莫先居民授田以盡疆理之制藁之都鄙其內外之經畫遠近之聯屬創於前者固有定則也志

都鄙

藁城縣志

卷之一

都鄙志

七

縣新舊城四週共廣六里自東作門抵西成岱瞻抵太寧嵩壽抵恒鎮中闢爲通衢者三而別爲巷處者六除公署神祠梵宇外其餘民居鱗櫛相屬拱向周密無甚隙地外連關廂旁達四境村落聯攝而爲社者首曰在城次曰鄭公曰宜安曰丘頭曰堤里曰北汪曰奉化曰南孟曰馬村曰劉村曰陳村曰劉海曰賈氏曰安興曰人和曰阜鑾通計爲一十六社長民者之制賦定役尙於土地之肥磽生聚之多寡求之斯得矣其村落分隸於各社者並附如左

南四公

北四公

肥城

劉村

馬村

黎園

茅莊

尙莊

俱在城社

大墩 焦莊 郭莊 倉德 壘下

鄭公 南樓 織錦 耿村 新莊

廣陽 里莊俱鄭公社

戲井 清流 土山 泥陽 靳莊

周家莊 宜安 陽臺 膏腴 木欒鎮

白婁 徐村俱宜安社

顧獻 北邑 東邑 丘頭 南西

張家莊 陳家莊 梁村 八方 故城

中峯 樂鄉 臺西 內族俱丘頭社

張村 南董 堤里 兩河 大張

藁城縣志 卷之一 都鄙志 八

付陽 九門 只照 東里村 西里村

賈孤莊俱堤里社

北凹 南凹 廩房 南鄉 康村

只都 故營 白璧 寧仁 杜家莊俱北汪社

堅固 喬寨 賈同 磁邑 三丘

堯村 崗上 劉家莊 牛家莊俱奉化社

金莊 南孟 牛村 滋上 西門

李家疇俱南孟社

武家莊 表陵 寬真 橋板 南杜村俱馬村社

美化 石井 周卦 高莊 南馬村